



Sogn regionråd

Postboks 153 - 6851 SOGNDAL - Tlf: 57 62 96 14

Møteinkalling

Utval: SGN REGIONRÅD

Møtestad: Luster rådhus, Gaupne

Møtedato: 26.10.2012

Tid: 10:15

Eventuelt forfall skal meldast til telefon 57 62 96 14 - Varamedlemmar møter etter nærmere avtale.

Dagsorden

Møte i SIMAS

0900 Representantskapsmøte i SIMAS (sjå eigen innkalling)

Møte i Sogn regionråd

1015 Ordførar Ivar Kvalen ønskjer velkommen

Oppmøte

Godkjenning av innkalling og sakliste

Godkjenning av møteprotokoll frå møte 14.9.2012

Handsaming av saker i Sogn regionråd

1130 Lunsj

1200 Framhald handsaming av saker

Sakliste

Saksnr.	Arkivsaksnr.
25/12	Tittel 11/2197-9 Regional planstrategi - fråsegn om geografisk avgrensa plan
26/12	12/3565-1 Moderniseringsprosjektet i Årdal - fråsegn til Hydro
27/12	12/3460-3 Søknad om støtte til Framtidsfylket sine profilermess 2013
28/12	12/3569-1 System for styrka læring - programstyre
29/12	12/3564-1 Møteplan for 2013
30/12	12/1-9 Orienteringssaker 26.10.2012

Sogndal, 12.10.2012

Noralf Distad
leiar

Karina Nerland
dagleg leiar

Saksnr.: Utval
 25/12 Sogn regionråd

Møtedato
 26.10.2012

Sak 25/12

Regional planstrategi - fråsegn om geografisk avgrensa plan

Tilråding:

Sogn regionråd sluttar seg til høyringssvaret til Sogn og Fjordane fylkeskommune om geografisk avgrensa plan slik det går fram av saksframlegget.

Saksutgreiing:

Bakgrunn:

Sogn og Fjordane fylkeskommune sitt framlegg vart sendt på høyring 2. juli. Sogn regionråd slutta seg til høyringssvar til den regionale planstrategien i førre møtet 14. september. I fråsegna viste vi til at vi har starta arbeidet med rullering av regionalplanen for Sogn regionråd 2013-2016 og at spørsmålet om geografisk avgrensa plan vil vera relevant å ta opp undervegs i dette arbeidet. Fylkeskommunen har sett frist til 31. oktober om innspel på behov og tema for geografisk avgrensa planar.

Fylkeskommunen viser til at fordelen med å knyta planarbeidet opp til eit avgrensa område er å få til ein tettare kopling mellom fylket og kommunane. Fylkesutvalet har opna opp for å utarbeida regionale planar, og ønskjer innspel på dette.

Rådet drøfta temaet i juni- og septembermøtet. Sogn regionråd er i gang med regionalplan for neste fire åra som omfattar regionale utfordringar og strategiske satsingsområde på tvers av kommunegrensene. Den inneheld ein strategisk del for fire år og tiltaksdel som vert rullert årleg. Vi har denne gongen arbeidd for å sikra forankring og eigarskap blant kommunane og involvert formannskapsmedlemar og næringsansvarlege i planarbeidet i arbeidsmøte og arbeid i grupper etter det. Denne gongen kjem vi også til å senda planen på høyring til kommunestyra for tilslutting. Regionalplanen er ikkje heimla i plan- og bygningslova. Planen har ein enkel struktur.

Ein geografisk avgrensa plan kan utformast på ulike måtar:

- 1) Interkommunal plan der kommunane samarbeider om planlegginga over kommunegrensene etter plan- og bygningslova. Samarbeidsrådet i Sunnfjord har laga ein felles planstrategi for å avklara kva plantema som eignar seg for interkommunal planlegging.
- 2) Regional plan vedteken i fylkestinget der ein planstrategi for Sogn vert ein del av ein regional planstrategi for Sogn og Fjordane eller at det vert laga ein meir tematisk avgrensa plan. Hadeland har laga ein slik plan. Ein regional avgrensa plan vil forplikta kommunane og

fylkeskommunen meir. Det vil også stilla andre krav til planprosess i samsvar med plan- og bygningslova og planforma vil stilla større krav til ressursbruk.

RUP-gruppa vurderte behovet for ein geografisk avgrensa plan i møtet 12. oktober. RUP-gruppa ønskjer eit samspel med fylkeskommunen for å utvikla regionen, men vurderer det ikkje som aktuelt å etablera ein geografisk avgrensa plan. Det vert elles vist til regionalplan som regionrådet arbeider med denne hausten som kjem til å skissera satsningsområde og strategiar for regional utvikling, og som vil bli forankra i kommunane.

Administrasjonen har følgjande framlegg til høyringssvar til Sogn og Fjordane fylkeskommune:

"Sogn regionråd har i møtet 26. oktober drøfta behovet for geografisk avgrensa plan og har følgjande innspel:

Vi er i gang med å rullera regionalplan for Sogn regionråd for neste fire åra. Regionalplanen er ikkje heimla i plan- og bygningslova. Planen omfattar regionale utfordringar og strategiske satsingsområde på tvers av kommunegrensene. Vi har denne gongen arbeidd for å sikra forankring og eigarskap blant kommunane mellom anna involvert formannskapa i i arbeidsmøte og arbeid i grupper etter det og planen vil bli sendt på på høyring til kommunestyra for tilslutting.

Sogn regionråd vurderer det ikkje som aktuelt å etablera ein geografisk avgrensa plan. Regional plan vedteken i fylkestinget kan svekka forankringa og eigarskapet i kommunane som regionrådet er oppteken av å få til. Sogn regionråd ønskjer framleis eit samspel med fylkeskommunen og å vidareføra samarbeidet mellom fylkeskommunen og regionrådet for å utvikla regionen."

Saksnr.: Utval
 26/12 Sogn regionråd

Møtedato
 26.10.2012

Sak 26/12

Moderniseringsprosjektet i Årdal - fråsegn til Hydro

Tilråding:

Sogn regionråd sluttar seg til fråsegna til Hydro slik det går fram av saksframlegget.

Vedlegg:

Årdal – fullskala forsøkshall

Saksutgreiing:

Bakgrunn:

Sogn regionråd fekk orientering om prosjektet ”Modernisering av Hydro i Årdal” i møtet 1. oktober ved Teknologisenteret til Hydro. Prosjektet skal leggja til rette for at Hydro utviklar seg i Årdal ved at dei vidareutviklar teknologisenteret i Årdal og etablerer ny fullskala testhall for bærekraftig aluminiumsproduksjon.

Hydro har signalisert satsing i Norge og tre ekspansjonsprosjekt er utgreidd. Tilhøve ligg godt til rette for moderniseringa: Hydro sitt teknologimiljø med 100 tilsette er lokalisert i Årdal, arbeidsstokken er høgkompetent og Årdal har vasskraft og tilrettelagt areal. I det vidare arbeidet med å få Hydro til å satsa i Årdal, ønskjer Årdal kommune at Sogn regionråd støttar opp om prosjektet og at rådet sender følgjande fråsegn til Hydro:

”Sogn regionråd er tilfreds med at Hydro har signalisert auka satsing på aluminiumsproduksjon i Noreg. Rammevilkåra fell no på plass. Både grøne sertifikat, nytt industrikraftregime, kraftbalansen og framlegget til klimakompensasjon er viktige element.

Aluminium er fornybar energi i «frozen form». 75 % av all produsert aluminium er framleis i bruk. Resirkuleringa er høg og med særslig energiforbruk. Soleis er aluminium produsert på vasskraft eller anna fornybar energi eit godt miljøprodukt.

Noreg er verdsleiande i miljøvenleg og energiøkonomisk aluminiumsproduksjon. Teknologisenteret i Årdal er det sentrale kompetansenavet for denne verdsleiande posisjonen.

Hydro har også hand om store vasskraftressursar bunden til industriproduksjon her i fylket.

Sogn regionråd meiner det er viktig å styrke dette kompetansemiljøet og legge til rette for vidare verdsleiane teknologiutvikling. Ein god måte er å etablere ein fullskala forsøkshall i tilknyting til Teknologisenteret i Årdal.

Sogn regionråd vil sterkt oppmøde Hydro å styrke kompetansen og miljøprofilen gjennom ei slik satsing.”

Saksh.: Karina Nerland
 Arkivsak: 12/3460

Arkiv: 223

Saksnr.: Utval
 27/12 Sogn regionråd

Møtedato
 26.10.2012

Sak 27/12

Søknad om støtte til Framtidsfylket sine profileringsmesser 2013

Tilråding:

Sogn regionråd løyver kr 50 000 til Framtidsfylket for gjennomføring av profileringsmesser i Bergen og Oslo i 2013.

Vedlegg:

Søknader fra Framtidsfylket om støtte til gjennomføring av profileringsmesser 2013.

Saksutgreiing:

Framtidsfylket søker om midlar til å gjennomføra neste års profileringssamlingar i Bergen og Oslo. Formålet med messene er å gje næringsverksemder og offentlege verksemder eit tilbod om ei samla profilering for å rekruttera unge til jobbar i Sogn og Fjordane. Messene får fram dei spennande jobbane som mange ikkje er klar over finst i vår region.

Verksemndene dekker sjølve størstedelen av kostnadane, i tillegg bidreg fylkeskommunen og regionane med midlar. Sogn regionråd løyvde i fjor kr 45 000 til messene arrangert i februar i år der både private og offentlege verksemder deltok.

I 2012 var det messer i Trondheim og Bergen. Bergen er den største messa med 550 deltakrar og 52 stands. Framtidsfylket ønskjer eit stort profileringsarrangement i Oslo våren 2012 som skal bli lagt merke til.

Vurdering:

Framtidsfylket søker dei fire regionråda i fylket og fylkeskommunen om midlar til messene. Budsjettet for messa i Bergen er kr 852 000 og Oslo kr 1 270 000. Framtidsfylket søker om kr 25 000 til kvar messe. Det vert elles vist til vedlagde søknader med budsjett frå Framtidsfylket.

Rekruttering er eit av delmåla i regionalplanen for Sogn regionråd, og vi har sett av regionale utviklingsmidlar til å støtte messene i 2013. Messene er ein god arena for å profilera regionen utanfor fylkesgrensene. Administrasjonen vurderer profileringsmessene som eit målretta og godt tiltak, og tilrår å løyve kr 50 000 til Framtidsfylket i 2013.

Saksnr.: Utval
28/12 Sogn regionråd**Møtedato**
26.10.2012**Sak** **28/12****System for styrka læring - programstyre****Tilråding:**

Programstyret for ”System for styrka læring” vert oppretta frå 1.1.2013 slik det går fram av saksframlegget.

Ordførar ... vert valt til programstyret og vara

Saksutgreiing:

Sogn regionråd vidarefører prosjektsamarbeidet for skule- og samfunnsutvikling til varig regionalt barnehage- og skulesamarbeid frå 2013. Programorganiseringa bør avklarast slik at programstyret er på plass frå 1. januar. Sogn regionråd er programeigar og bør oppnemna eit programstyre som koordinerer innsatsen knytt til utviklingsprogrammet og som vert styringsgruppe i det regionale utviklingsarbeidet.

Organiseringa frå skule- og samfunnsutviklingsprosjektet i perioden 2006-2012 kan i store trekk overførast til det varige samarbeidet. Utviklingsarbeid innan spesialundervisning vert eit viktig arbeidsfelt, og samansetjinga i programstyret bør avspeglia dette. Samstundes bør ikkje programstyret få for mange deltagarar.

Administrasjonen føreslår følgjande samansetjing i programstyret:

Ordførar
Rådmann
Skulefagleg ansvarleg
Rektor
Styrar
Representant frå Høgskulen i Sogn og Fjordane
Representant frå Ungt Entreprenørskap
Tillitsvald frå Utdanningsforbundet
Representant frå Statped Vest (Statleg spesialpedagogisk støttesystem)
Representant frå KS (Kommunesektorens organisasjon)

Dagleg leiar i Sogn regionråd deltek med møte og talerett. Programleiar er sekretariat for programstyret.

Representantane vert normalt valde for to år. Programstyret konstituerer seg sjølv og vel leiar for minst eitt år om gongen.

Det blir føresett at deltakarane i programstyret har eigeninteresse i utviklingsarbeidet og det er ikkje tilrådd kompensasjon for deltaking i programstyret. Aktørar som blir inviterte til å delta i programstyret må gjennom styrevedtak eller tilsvarande forplikta seg i høve til deltaking og gjennomføring av utviklingsprogrammet. Det bør peikast ut vararepresentantar.

Programstyret rapporterer til Sogn regionråd. Budsjett, rekneskap og årsmelding inngår som del av verksemda til Sogn regionråd.

Saksh.: Karina Nerland
Arkivsak: 12/3564

Arkiv: 033 &85

Saksnr.: Utval
29/12 Sogn regionråd

Møtedato
26.10.2012

Sak 29/12

Møteplan for 2013

Tilråding:

Møteplan for 2013:

22. februar
26. april
21. juni
13. september
25. oktober
6. desember

Saksutgreiing:

Møtedagane er sett opp på fredagar, og med seks møte i løpet av året. Forslag til møtedagar og møtestader er:

22. februar, Årdal
26. april, Leikanger
21. juni, Lærdal
13. september, Balestrand
25. oktober, Vik
6. desember, Aurland

Ordførarsamling kan leggjast til ettermiddag/kveld før eit av regionrådsmöta.

Saksh.: Karina Nerland
Arkivsak: 12/1

Arkiv: 065

Saksnr.: Utval
30/12 Sogn regionråd

Møtedato
26.10.2012

Sak **30/12**

Orienteringssaker 26.10.2012

Orienteringar og drøftingar

1. Helsegruppa, reiselivsgruppa, RUP-gruppa og samferdslegruppa
2. Rådmannsgruppa
3. Administrasjonen
 - Regionalplan for Sogn regionråd 2013-2016 (notat blir ettersendt)

Skriv og melding

1. Næringsnettverket i Sogn, jf vedlegg



Sogn regionråd

Postboks 153 - 6851 SOWNDAL

Mandat for næringsnettverket i Sogn regionråd

Nettverket skal:

- Vera ein arena for utveksling av erfaringar og informasjon
- Utvikla kunnskap og kompetanse innanfor fagområde
- Vera ein lærings- og utviklingsarena
- Initiera prosjekt innanfor fagområdet
- Samhandla med andre eksterne aktørar

Deltakarane i nettverket har eit særskilt ansvar for å informera/drøfta og avklara saker som vert tekne opp i nettverket i eigen kommune. Deltakaren i nettverket har ansvar for å bringa/ta opp eigne kommunale saker i nettverket.

2. Organisering

Kvar kommune oppnemnar næringsansvarleg til nettverket.

Nettverket har møte etter ein møteplan. Nettverket vel sjølv leiar og nestleiar for eitt år.

Ansvar for praktisk tilrettelegging for møta går på omgang mellom kommunane. Dagleg leiar i Sogn regionråd bistår med møteinkalling og -referat

3. Saksgang

Prosjekt initiert av nettverket som krev ressursar skal leggjast fram Sogn regionråd for godkjenning.

Nettverket skal samordna sine prosjekt/tiltak med andre prosjekt og nettverk i Sogn regionråd.

4. Økonomi

Kommunane dekkjer sjølve kostnader for deltaking i nettverket og eventuelle prosjekt. Større prosjekt bør finansierast av eksterne midlar.

5. Rapportering og evaluering

Nettverket rapporterer årleg om sin aktivitet og planar til rådet.